

汝陽縣志

卷一至三



汝陽縣志敘

汝陽舊有縣志矣何以復修也舊志成於順治間距今已三十餘年其中山川里道河渠官爵之類因革增損之不同恐日久而其詳不可得聞奉

大中丞閻公檄來續之也公之意曰

一統志將告成矣關心國是者謂

聖天子右文考古宜乎鑒今午夜披圖一朝而勅郡國奏版籍其將何辭以對必責之有司詢其成獻不束手斂容乎天英乃捧檄而起台父老而進之告以揚

汝陽縣志

序

天子之休命胥曰諾當年縣志缺畧不過附府志以行後此縣志較詳然而詳之中未免有畧焉者茲可得因而補之矣於是自禹貢伊獻王會而剖魯壁竹書塚紀之藏發桑經鄴註而晰常璩鑒齒周斐之秘羽翼夫翳經璞解而徵佐夫應劭王圻由馬常而下者則杜溝疏馬邑荆諸河不得肆為澎湃矣四水辨而淮汝通又何有雷雨登舟之憾耶戶口則歷審有籍焉指畝畝而問疆隅如在指上觀矣而丁徭可無疎漏也瞻拜至聖之堂恍登昌平洵見其廟貌嚴肅衣冠雍和而笙磬鏗鏘鐘虞

古處矣所以循良在上樸魯盈野甘棠之剪伐誰
不興歌耶宦蹟有考月旦有評不幾聞絃歌於單
父之堂揖流風於許邨之室而文武同登夔龍接
武洋洋大觀哉已而溯羅泌之書借光太任考貞
白之集又得少張順陽應氏諸篇陳壽章懷之注
羅列篇什輝煌晉志者又若唐宗率諸臣親游夫
瀛洲之上也至於祖無擇西齋之話羅大經玉露
之章千令昇之搜神羅昭諫之碑議不已攜手陶
潛擁篲夢得若綜陶姚諸公撰說郭而斂祕冊括
津逮而眺學海辨天祿外史之譌洽洪邁沈括於

汝陽縣志

序

二

青緇之內乎是役也

中丞大夫之檄謂中州郡邑自庚子以後人才漸盛
矣而內院祕閣不讓石渠虎觀其琳瑯武庫者
更盛於崇文不嚴為考覈再訂精詳甲乙丙丁之
觀又何以媲美前代之蹟天英稽首拜命曰敢不
竭乃心力以成我

大中丞之志乎構机春秋不過古之志書耳得其人
則千古不得其人則瞬息其所以千古瞬息者無
人焉以究竟之耳今海內晏安矣未泰有秋矣為
吏者得優游簿書之下集明經博學李根茂輩於

風雨鷄鳴之夕曰若者當補若者當續辨魯魚而訂亥豕俄而香生花樹俄而氣馥桐陰泰階平而更漏永非

聖天子盛治之休

大中丞文教之美下吏奔走風塵當不知何如也而得與於今日之閒暇者亦必有自矣續志成而并為之敘

康熙二十九年庚午嘉平月既望知汝陽縣事古

新豐邱天英撰



續修縣志姓氏

總裁

巡撫河南等處地方提督軍務兼理河道都察院右副都御史加四級

閻興邦

梅公奉天籍宣府人庚卯貢士

提調

河南等處承宣布政使司布政使加三級

田啟光

四表滿洲籍陽信縣人官生

河南等處提刑按察使司按察使

楊鳳起

秀國奉天遼陽人

管理通省驛鹽兼理糧務河南布政使司仍以副使分守開歸河道

張思明

鑑五奉天遼陽人

提督通省學政按察使司副使

王際有

書年江南丹徒縣人表進士

分巡通省河道按察使司僉事加四級

俞森

存齋浙江錢塘縣人貢生

整飭撫民兼理糧餉河南按察使司分巡南汝道僉事袁虞尊

唐縣浙江會稽縣人貢生

汝陽縣志

姓氏

四

督理

汝寧府知府加一級

何顯祖

通公奉天義州人廩生

汝寧府糧捕通判

曹文蔚

肯山江南貴池縣人監生

續修

汝陽縣知縣

邱天英

東屏陝西渭南縣人貢生

同修

汝陽縣儒學教諭

王

襄贊白河南尉陵縣人丙午貢士

汝陽縣儒學訓導

董

正端陝河南洛陽縣人貢生

同輯

舒逢吉

湖廣廣濟縣人

同校

潘定國

浙江陰縣人

張御探

江南武進縣人

李根茂

邑人

汝陽縣志

姓氏

五

河南汝寧府汝陽縣為重修省志以昭文治事
康熙二十九年六月二十二日蒙

巡撫河南等處地方提督軍務兼理河道都察院右副都御史加四級閩

憲栗前事照得詩書雖缺必取信於師儒典禮
不亡幸取徵於文憲故國有史邑有志所以辨
風俗稽戶口崇懿徽示法守也矧豫州居天下
之中四方道里所均而可殘佚不補哉本都院
下車以來即檄取各府州縣志細加繙閱其率
畧舛謬十之七八即欲令各府州縣重為纂輯
恐時絀舉贏故爾中止獨省志為八郡一州之

汝陽縣志

院檄

六

網省志修則綱領備而條目可以徐及但自我
皇朝順治己亥以後歷三十餘年未經續修若再因
循則世遠言湮譜乘散遺老成凋謝尚何從徵
信耶迺於五月朔設局嵩陽書院敦聘先達身
任其事而三十年來一應事蹟必須所屬地方
博訪開列以憑考覈為此票仰汝陽縣官吏查
照粘單事理親自採訪務在精詳毋得遺漏取
駁未便文到除將該縣舊志呈送外餘限十五
日內造清冊報送立需付局慎毋遲延速之慎
之計粘單一紙等因到縣蒙此又於康熙二十

九年八月初二日蒙

巡撫河南都察院 憲牌為續修志書以存文獻
事照得郡邑有志必信必徵始足傳後其間博
而不支簡而能盡彬彬大雅上之可列於職方
下之可藏於石室蓋有關於政治者非淺也豫
省當天下之中道里所均古聖先賢大半發跡
於斯則輜軒所至未有不訪其故實者而郡邑
之志已三十餘年莫之增修其為遺漏者多矣
又昔年修志止取備文未加考訂或限以數日
或所託非人本都院逐一查閱府志如河南南

汝陽縣志

院檄

七

陽縣志如宜陽河陰蘭陽等志荒悖失倫莫可
枚舉至於安陽汲縣乃彰德衛輝兩府首邑竟
無志書尤為缺典今本都院已將通省志書設
局修正而各府州縣所送續冊未能盡一又通
志所載限於定格不能如府州縣之詳則三十
餘年所遺者十之六七自此漸遠漸至凋殘文
獻無徵何從取信矧此三十年皆我

皇上生聚教養之所培育其戶口日增土田日闢文
治隆而風俗厚災祥見而官民警安可不大書
特書以為一代盛典哉擬合通行續修為此牌

仰該縣官吏照牌事理即延文學名儒熟知典故長於史事者博採典章蒐羅遺軼其舊志未載者一一補之舊志之舛謬者悉改正之不得以同名疑誤相沿不得以稗官小說攙入本都院又恐各屬參差不齊未歸畫一將凡例開明粘單於右悉照此為規程若夫叙論之古雅典茂俱屬才人之大筆在乎各自留心稿成先錄草本呈送本都院披閱裁定其所費紙張工料須量力捐資慎勿絲毫派之民間諒此不朽之盛舉可指日觀成也速速計粘單一紙 一總

圖須精詳 一沿革須照諸史考證毋得混入不必過多 一天文畧摘切要者勿用混載以分野所躔者廣也 一四至疆域要考正 一建置城池須載明幾時建某人修一一查明學校止載起建修葺不必載聞文其新定樂舞等宜增入 一河防宜先叙前代而以近今所開所淤備細入之 一鄉村鎮集止載方隅里數有古事者註之 一公署止載創建始末 一橋梁亦載建造始末 一倉庫社學止載方隅建造月日 一街巷坊第須註明何處已上凡

有事實者當詳考而載之祀典及書院考正載之勿遺 一山川須考果係封內者方載入不可遺漏河道要將近日所開濬淤塞變遷等造明其間事實備細詳查註明不可以小說攙入如宜陽志之可笑也 一古蹟須考明某代某人將事實註明不可遺漏不可以小說攙入如宜陽志之全載野史也 一風俗畧載之而自加論斷 一土產非地所出及平常草木可不必載須載其特產者 一陵墓須註明某代某人 一碑碣與否 一寺觀必奉 勅建或建置

已久有可考者載之餘刪 一賦稅止載舊額若干新增新減若干不用一一細註有關係者全載之 一職官須載其爵里時代年月有可紀者畧書之實係名宦則立一小傳於後須考正 一人物聖賢忠貞並入其科貢等必載其家世時代年月字某號某分別某科某項若係鄉賢為立一小傳於後 一流寓孝義烈女隱逸方技各考實詳覈以載其節烈務在闡發幽光勿專載世家而遺寒素 一藝文須擇佳者或闕邑乘者載之八景可不錄錄必錄其佳者

災祥雜志倣古為之等因到縣蒙此該汝陽縣知縣邱天英查看得汝邑志書原自順治十七年纂輯修定歷今三十餘年一切事蹟未經續修卑職伏讀

憲檄諄諄慮及世遠言湮譜乘散遺老成凋謝亟以考覈徵信為先彙編一省通志洵不朽大業於以昭日星而煥河嶽實一省之幸凡一郡一邑之幸也卑職遵將汝邑自修志後歷三十餘年事蹟廣詢博訪復延一二淵洽文士朝夕考訂或稍補前志所未備或蒐羅今茲所未晰共

汝陽縣志

院檄

十

期覈實寧簡毋濫續成草本一編進呈

憲覽伏祈

憲鑒採擇竊堯倘滄海不遺細流而泰山兼收土壤將隱軼重光外譌釐正永永羽翼經史闡揚聖朝右文至意下邑末吏管窺蠡測益銜勒鴻造於無疆矣為此繕具書冊備由具申伏乞照詳施行須至申者

蒙

巡撫河南等處地方提督軍務兼理河道都察院右副都御史加四級閩 批

仰將發去志稿查照粘簽逐加詳細覈實另繕

清冊一樣二本同原本一併申送閱奪綴
又蒙

諭批 該縣所續修志取材既博考據亦詳不獨
增後此之未備兼能補前人之所遺可謂留心
史乘者且文筆古藻無冗弱之弊具此手筆將
舊志細為刪潤以成完璧以襄
國史可也

康熙二十九年九月

日

汝陽舊志序

汝陽昔未有志也附於郡也今志之作也自修郡志推也修者叔茂作者景哲也同系老聃氏同官柱下史也志分郡邑難各有攸居也何以故輻員廣而情勢渙難在覈土著久而耳目玩難在徵惟覈之難故證訛則人持其說掇實則家獻其珍苟非折盈庭障砥柱烏能勝其任而愉快乎惟徵之難故恢之欲廣孰拓其基按之欲深孰濬其源庸者唾餘詭者滑稽學不窺二酉言不辯百家而欲傾二三英之瀝液成全史之汪洋亦萬不可必得之數矣郡志自有述景

哲以中州名魁高第南宮製錦兩巖邑立朝惠文白簡侃侃論天下事其于辨土風類物情燭照數計不啻矣青髻歸來杜門讀書垂十餘年無論典墳邱索石渠天祿之藏即竹書汲冢稗官方言祕笈搜瑣靡不殫究有徵之具也夫不煩邑大夫開上舍不徵博士弟子給筆劄佐書史不累歲月不下庭除出倫鑒腹笥操五寸管游戲烟雲自有司先後敦請迄今不羸幾旬而接踵郡志以成也無不徵也無不覈也所不階尺土崇臺千仞者也叔茂之言曰吾得蕭副臬仲晦費給諫應祥楊觀察德興桂太常伯深李侍御

景哲輩每事周咨可幸無戾二書之取材富取義嚴
其在斯乎魯無君子斯焉取斯懿哉數君子者人操
獨行貞不絕俗親愛如朱陳村禮讓如洛下社即受
簡鼎成不聞齟齬比于洙泗之間斷斷如者又似過
之朱陳兩姓里氓耳文范諸賢在洛約為耆英會爾
昔司馬君實資治通鑑相與諮詢訂証所不可知而
他未聞有著述也汝上一首何幸有兩君實乎或言
景哲博訪汝洪二河上自薦紳學士下達輿臺廝役
長年三老蚩蚩之氓尋星宿窮尾閭經行支分纖細
具如指掌子長登會稽探禹穴太白以七澤之觀至

汝陽縣志

舊志序

十三

荊州史才詩聖不虛耳頃中丞臺憫汝屬屢亢陽侯
議疏汝洪之委直下長淮檄二倖往勘足重爾莊不
得其要領議以竟格異日者倘有意于荒度永賴乎
一開卷而高高下下匹如智而佐伯翳矣乃志之有
裨于治理獨一水利乎哉

知汝寧府事內江黃似華譔

汝陽舊志序

汝陽汝南首邑也邑當天地中介梁楚間為古豫州
輿區襟帶長淮控扼潁蔡其幅員雖不甚廣乎而駕
馭遠矣後代或屬蔡州或屬濠州或屬淮康入我明

而分潁蔡為縣治而附郭為汝陽惟時人文勃鬱風氣淳龐土沃而民饒亦天中一勝壤也嘉隆以前最稱易治乃今則非古矣其流風餘烈所藉攷勝者獨在府乘中存什一耳不佞入邑而訪文獻之遺散佚無統遺編故牒悉成烏有其土田多蕪棄而賦入倍他邑其地產無珍奇而俗日競靡侈其民力田者苦徭役之煩違違棄本業而輕去其鄉甚且干紀犯禁樂鬪喜訟而無情獨其士風朴茂人多質直重義名臣碩彥代不乏人邇年來尤稱炳烺節義文章推崇海內比屋絃誦多雋英第邑無載乘版圖變亂于豪

汝陽縣志

舊志序

十四

強丁產出沒于奸宄卷帙銷殘于蠹魚老成凋謝于州莽將令考覈何憑觀型曷據耶不佞承乏此邦實有意議報焉會黃郡伯增修府乘詢及邑中遺事愧無以應乃稽諸故老即手出所藏謂可備縣志參以庠彥凡邑中廢興沿革失得臧否罔不採錄凜凜兢兢不附不枉敬請李侍御景詰主筆校讐而參伍之數越月而編成不佞覽而嘆曰備哉志乎輿圖有總有分而疆界若指掌矣賦額有新有故而則壤若數計矣川原井廬勝跡幽踪備采而千載民風若目擊矣經緯因革公私論議並存而一方利弊若眉列矣

金石琳琅斷烟殘墨靡不收也高賢往哲士範女箴
靡不錄也詞求核事求詳擬掇劉安比精呂覽庶幾
乎不疎不穢一邑之信史哉或者謂長吏以簿書為
能而獨疲精竭智舉所未舉毋乃迂乎夫不佞入邑

汝陽舊志序

邑之有志猶國之有史也辨風土類物情因革互
宜政教相沿莫墜租賦之規文章詩歌之盛以逮
官吏耆舊鄉士大夫備載無遺要亦具觀省昭勸
懲而已然言者無戾而聞者足以戒亦猶春秋編
年之書與汝陽古稱天中風氣清佳人文秀美南
國節儉之習先賢正直之風今猶存其遺焉余下
車初搜舊乘不得召子弟父老而詢訪之乃一一
得其槩汝自兩漢五代洎唐宋以來公侯將相之
器項背相望忠孝廉潔之性嗣續相屬貞烈骨鯁

汝陽縣志

舊志序

十六

之才險異相濟著述高尚之士先後相踵孔北海
論汝穎之士亦既刻畫懸有定價矣若正公之裔
世叔邵公之允姓氏幾半天下其表表當時稱極
勝矣然代繼而起者父子祖孫以及昆仲繩繩相
承郁雅實多且地當三厄其患始於狼臯也俗坐
五苦其端尋於兵戈也祖有三耗其弊中於新增
銀徭以及王祿也皆上與下思欲變計之而卒不
能盡得者在昔已有然矣今讀古秉禮之家多尚
義田隴耕佃之氓多急公弔災賀善不絕於閭里
修耆獻賓時舉於鄉黨猗與其風不亦可樂而可